

URNOS TI PANAGDAYAW

PRELUDIO: *(panagpasango dagiti agakem ken panakasindi ti candela)*

TI GIMONG SANGSANGKAMAYSA NGA AGDAYAW

INTROIT: -the Choir

***AYAB TI PANAGDAYAW:** *(tumakder ti gimong)*

Pangulo: Agruknoytayo iti Apo isu a Dios tayo.

Gimong: Dumatagtayo iti sangoananna ket agdaydayaw tayo iti amin a puso, panunot, ken kararuatayo.

Pangulo: Isaganatayo ngarud dagiti bagbagitayo iti tapno iti kasta ti Espiritu iti Apo makikadua kadatayo.

Amin: Sipapakumbaba kami nga agdayaw ken mangrikna ti presensia iti Apo.

***INBOKASYON:** Elder

***HIMNO TI PANAGRUKBAB:**

“O APOMI SIKAT’ PAGDAYAWANMI”

- O! Apomi, Sikat’ pagdayawnmi
Wagaywaymon iti salinongmi,
Ta intedmo Bugbugtong nga Anakmo.
A mangispal amin a tattao.
Koro: Iwarnak damag, Damag talna.
Damag ni Jesus. Mannubbot ken mangwaya.
- O! nagadun dagiti kinayawan
Ti basol ken dakes a kadawyan,
No matimbeng komat’ kinasantoda
Adu unay ti pagkuranganda.
- Isut’ biangyo ti panangiragpatyo
Amin a nasyon ken pagsasao,
Ibagayo ni Cristo a mangispal
Kadagiti kararwa napukaw.
- Idatonyo napateg nga annakyo Mangiwarnak iti
Evangelio Ipaayyo met dagiti kukuayo
Ta ti Apo subadannakayto.

TI GIMONG SIPUPUDNO NGA AGPAKAWAN ITI DIOS

AWIS TI PANAGBABAWI: 1 John 1:8-9 Pangulo

LITANIA TI PANAGBABAWI:

Pangulo: Apomi nga Hesu-Kristo, iti naunday a panawen nga immay ka kadakami ket aramiden amin a tattaom ti pagayatam tapnon matawidda ti pagariam. Nasantoan ti naganmo! Adda koma kaasim kadakami!

Gimong: Adda koma kaasim kadakami!

Pangulo: Sika Apo Hesus, prinsepe ti talna, ken sika a nangpabileg kadakami a mapan iti Dios para iti panagkaykaysa ti amin a naparsua. Nasantoan ti naganmo! Adda koma kaasim kadakami!

Gimong: Adda koma kaasim kadakami!

Pangulo: Agkararagtayo!

Amin: Ipakitam iti kinamanagayatmo kadakami O Dios, ket ti Santo Espiritum maada koma iti nagbabaetanmi. Pagkaykaysaem ti komunidad a napagsisina gapu iti kaadu a riribuk nga inted daytoy a lubong ket parangrangem ti Iglesias tapno agbalin a silaw nga agturong ken Kristo para iti kapyia. Ipakitam ti kinarangrang dayta a namnama para kadakami O Dios. Mamati kami kadi kenka Apo! Sika kadi ti agari ti puspsomi ita ken ti agananyon! Amen! *(naulimek a kanito ti bukodtayo panagpakawan)*

TALGED TI PAMMAKAWAN TI DIOS:

Ministro: Ti Nasantoan a surat kinunana: “Denggendak, dakay a mayat a maisalakan. Dakayo nga umay agpatulong kaniak; Agkankantanto dagiti bambantay ken turturod, agpukkawto dagiti kaykayo gapu iti rag-o.” *Isaias 51:1; 55:12*

Ti Pangalalangen-langen

***PANNAKAIYALLATIW TI KAPPIA TI DIOS:**

(Iyallatiwtayo ti kappia ken talna iti Dios kas intayo kantaen ti ‘I’m Free’)

I’m free, I’m free I’m free to be the servant of the Lord

He taught me how to praise him,

he taught me how to sing a song

He taught me how to love

I’m free to be the servant of the Lord

KARARAG TI PANANGIBABAET:

Ministro

Sungbat: Cristo, Cristo, Denggem timekko.

Asim mannubbot itedmo,

Denggem asugko. Amen!

Ti Gimong Imdenganna Dagiti Sasao Ti Dios

***babaen ti nasantoan a surat**

-babaen ti kanta

-babaen ti tinapay ti biag

PAMMATALGED TI WAYAWAYA ITI TUNGGAL PARSUA:

(Sapasap a Deklarasyon) MAMATIKAMI

Nga pinarsua ti Dios dagiti tattao a kaladladawanna ken naitudingda nga agbiag kas maysa a komunidad a kaduada ti Dios, dagiti padada a tao ken iti isuamin a nakaparsuaan.

Gapu’t panaglalsingda, nagbalinda a managbasol ngem gapu’t gracia babaen iti pammati, naisalakanda ken Jesu-Kristo.

Agsipud ta naipakomit kadakuada dagiti pinarsua ti Dios, naayabannada ngarud a makiraman iti pannakaibangon ti maysa a kagimongan a nalinteg ken naasi.

TI GIMONG IYEBKASNA TI NAINDAKLAN A

PANAGYAMAN ITI DIOS

AWIS TI PANANGIDATON:

Pangulo: Ania ti mabalintayo a pangsubad iti Apo kadagiti imbag nga impaayna kadatayo?

Amin: Mangidatagtayo iti daton a pagserbi ti pagayatanna nga isu’t pagyamantayo kenkuna. Ta gapu ti imatang dagiti amin a tataona, tungpalentayo ti inkaritayo para iti Dios!

(panagited cadagiti pagyaman ken sagsagut)

KANTA TI PANAGYAMAN: “Idatonyo Dayta Biagyo”

1. Idatonyo dayta biagyo, ta masapul ti Apo
Pigsat' kinaagtutubo, kayatna iserbiyo
Isu ti ulidantayo, ni Jesus a Mannubbot
Biagna ti inna indaton a gapu kadatayo.

Koro: Idatonyo dayta biagyo ta masapul ti Apo
Amin a kabaelanyo, Kenkuana iserbiyo

2. Awatenyo siraragsak, kaun-gan ti pusoyo
Tumulongkay ngad Kenkuana,
Mangirupir ti pudno;
Itdeny kas panangtedna,
Bugbugtong nga Anakna.
Agragsak agyamankayo dakkel unay ayatna.

***DOXOLOGIA KEN KARARAG PANAGYAMAN:**
Elder

TI NASANTUAN A PADAYA TI DIOS

***HIMNO TI PANAGSERBI:**

"Agnanayon nga Ari, Idalannakami"

Agnanayon nga Ari idalan nakami, lti tanap ni basol agbaligi
kami Grasiyam ti kalasag mi ken isut pigsami, Agnanayon nga
ari sikat pagtalkan mi.

Agnanayon nga Ari tulungan nakami, Inggat basol maparmek
ket talna agari Ket manipud puso mi agubbog ayat asi,
Pagarian ti langit dumteng ton kadakami.

Agnanayon nga Ari, sikat surotan mi, Uray sadinnot yanmo
diay adda ragsak mi Ti cruz mot salinung mi ket isut bileg mi,
Inggat dikam awaten balangat balligi. Amen.

***KARARAG TI PANNAKAIDEDIKAR:**

***PAMENDISION:**

Sungbat: How beautiful to walk in the steps of the savior,
Stepping in the light, stepping in the light,
How beautiful to walk in the steps of the savior,

Led in paths in light.

**POSLUDIO: (Urayentayo kadi a makababa dagiti
nagakem sakbay a rumuartayo)**

"Enter to rejoice, depart to serve"

Church Bulletin

Praise the Lord!

Kablawandakayo babaen ti presensia iti Apo bayat ti
panagmaymaysa tayo iti daytoy a Domingo. Sapay
koma ta marikna sagtunggal maysa ti bileg ken
pannakabalin ti Apo ket agbalin tayo a napabaro iti
biag ken pammati..


"May God's bountiful blessing be with you and God bless!!!"

UNITED CHURCH OF CHRIST IN THE PHILIPPINES
NORTH LUZON JURISDICTION
JUNE 5, 2016



**MAIKATLO A DOMINGO KALPASAN
PENTEKOSTES/ DOMINGO TI
WAYAWAYA**

Freedom



**TEMA ITA A DOMINGO:
"TI MAKAWAYAWAYA A BILEG TI
ESPIRITU SANTO"**

